

halat nighean Ismaeil mhic A-brahaim, piuthar Nebaiot, dha fèin mar mhnaoi a thuill' air na mnaibh a bh'aige.

10 Agus chaidh Iacob a mach o Bheer-seba, agus chaidh e gu Haran.

11 Agus thachair ^a e air àite àraidh, agus dh'fhan e 'n sin an oidhche sin, a chionn gu'n robh a' ghrian air luidhe : agus ghabh e *h-aon* do chlachaibh an àite sin, agus chuir e fuidh cheann ^b i, agus luidh e sìos 'san àite sin a chodal.

12 Agus bhruadair e ; agus feuch, faradh air a chur suas air an talamh, agus a bhàrr ^c a' ruigheachd gu nèamh : agus feuch, aingil De a' dol suas agus a' teachd a nuas air.

13 Agus feuch, sheas an Tighearna os a cheann, agus thubhairt e, 'Smis' an Tighearna Dia Abraham t'athar, agus Dia Isaic : am fearann air am bheil thu d' luidhe, bheir mise dhuit e, agus do d' fhliochd.

14 Agus bithidh do fhliochd mar dhuilch na talmhainn ; agus sgaoilidh tu mach a dh'ionnfuidh na h-àird' an iar agus na h-àird' an ear, agus a dh'ionnfuidh na h-àirde tuath agus na h-àirde deas : agus beannaichear annad-san uile theaghlaiche na talmhainn, agus ann ad fhliochd-fa.

15 Agus feuch, *tha* mise maille riut, agus gleidhidh mi thu anns gach àit' an d'théid thu, agus bheir mi ris thu dh'ionnfuidh na tìre so ; oir cha tréig mi thu, gus an dean mi an *ni sin* a labhair mi riut.

16 Agus dhùisg Iacob as a chodal, agus thubhairt e, Gu cinnteach tha 'n Tighearna 'san àite so, agus cha robh fios agam air.

17 Agus bha eagal air, agus thubhairt e, Cia h-uathbhafach ^d an t-ionad ^e so ! cha 'n àit' air bith so ach tigh Dhe, agus 'fe so geata nèimh.

18 Agus dh'èirich Iacob gu moch 'fa' mhadainn, agus ghabh e chlach a chuir e fuidh cheann, agus chuir e suas 'na carradh ^f i, agus dhòirt e oladh air a mul-lach.

19 Agus thug e Bet-el mar ainm air an àite sin : ach *b'* è Luds ainm a' bhaile sin air tùs.

20 Agus mhòidich Iacob mòid ^g, ag ràdh, Ma bhios Dia leam, agus *ma* ghleidheas e mi air an t-slighe sin air am bheil mi 'g imeachd ^h, agus *ma* bheir dhomh aran r'a itheadh, agus eudach r'a chur umam ;

21 Agus gu'n d'thig mi ris 'an sìth a dh'ionnfuidh tighe m'athar : 'an sin bithidh 'n Tighearna agam 'na Dhia.

22 Agus bithidh a' chlach ⁱ so, a chuir mi suas 'na carradh, 'na tigh aig Dia : agus do gach *ni* a bheir thu dhomh, bheir mi gu cinnteach an deachamh dhuit.

C A I B. XXIX.

' **A** N sin dh'imich Iacob air a thurus, agus chaidh e do dhùthaich dhaoine na h-àirde 'n ear.

2 Agus dh'amhairc e, agus feuch, tobar 'fa' mbachair, agus feuch, *bha* 'n sin trì treuda

chaorach

^a thàinig, theiring.
oilteil.

^e àite.
ⁱ a'chloch.

^b 'na cluasaig.
^f post, prop.

^c cheann. Eabh.

^g bhòidich Iacob bòid.

^d eagalach,
^h triall.